

Nyanja - Akazi Malembo - Wives Scriptures

AEfeso 5:22-24 Akazi Inu, mverani amuna anu ainu eni, monga kumvera Ambuye. 23 Pakuti mwamuna ndiye mutu wa mkazi, monganso Kristu ndiye mutu wa Eklesia, ali yekha Mpulumutsi wa thupilo. 24 Komatu monga Eklesia amvera Kristu, koteronso akazi amvere amuna ao m'zinhu zonse.

AEfeso 5:31,33 Cifukwa ca ici munthu azisiya atate ndi amai, nadzaphatikizana ndi mkazi wace; ndipo iwo awiri adzakhala thupi limodzi. 33 Komanso inu, yense pa yekha, yense akonde mkazi wace wa iye yekha, monga adzikonda yekha; ndipo mkaziyo akumbukile kuti aziopa mwamuna.

1 AKorinto 7:3 Mwamunayo apereke kwa mkazi mangawa ace; koma modzimodzinso mkazi kwa mwamuna.

1 AKorinto 7:34 Ndi mkazi wokwatiwa ndi namwali asiyananso iye wosakwatiwa alabadira za. Ambuye, kuti akhale woyera m'thupi ndi mumzimu; koma wokwatiwayo, alabadira za dziko lapansi, kuti akondweretse mwamunayo.

AKolose 3:18 Akazi inu, muzimvera amuna anu, monga kuyenera mwa Ambuye.

1 Timoteo 2:11-15 Mkazi aphunzire akhale wacete m'kumvera konse. 12 Koma sindilola ine kuti mkazi aphunzitse, kapena kulamulira mwamuna; komatu akhale cete. 13 Pakuti Adamu anayamba kulengedwa, pamenepo Heva; 14 ndipo Adamu sananyengedwa, koma mkaziyo ponyengedwa analowa m'kulakwa; 15 koma adzapulumutsidwa mwa kubala mwana, ngati akhala m'cikhulupiro ndi cikondi ndi ciyeretso pamodzi ndi cidziletso.

Genesis 3:16 Kwa mkaziyo ndipo anati, Ndiddzacurukitsa kusauka kwako ndi potenga mimba pako; udzasauka pakubala: udzakhumba mwamuna wako, ndipo iye adzakulamulira iwe.

1 Petro 3:1,2 Momwemonso, akazi inu, mverani amuna anu ainu nokha; kuti, ngatinso ena samvera mau, akakodwe opanda mau mwa mayendedwe a akazi; 2 pakuona mayendedwe anu oyera ndi kuopa kwanu.

Titus 2:1-5 Koma iwe, lankhula zimene ziyenera ciphunzitso colamitsa: 2 okalamba akhale odzisunga, olemekezeza, odziletsa, olama m'cikhulupiro, m'cikondi, m'cipiriro. 3 Momwemonso akazi okalamba akhale nao makhalidwe oyenera anthu oyera, osadierekeza, osakodwa naco cikondi ca pavinyo, akuphunzitsa zokoma; 4 kuti akalangize akazi ang one akonde amuna ao, akonde ana ao, 5 akhale odziletsa, odekha, ocita m'nyumba mwao, okoma, akumvera amuna a iwo okha, kuti mau a Mulungu angacitidwe mwano.

Miyambi 12:4 Mkazi wodekha ndiye korona wa mwamuna wace; Koma

wocititsa manyazi akunga cobvunditsa mafupa a mwamunayo.

Miyambi 14:1 Mkazi yense wanzeru amanga banja lace; Koma wopusa alipasula ndi manja ace.

Miyambi 19:13 Mwana wopusa ndiye tsoka la atate wace; Ndipo makangano a mkazi ndiwo kudontha-donthabe.

Miyambi 21:9,19Kukhala pa ngondya ya tsindwi kufunika Kuposa kukhala m'nyumba ndi mkazi wolongolola. 19 Kukhala m'cipululu kufunika Kuposa kukhala ndi mkazi wolongolola ndi wong'ung'udza.

Miyambi 25:24 Kukhala pa ngondya ya tsindwi kufunika Kuposa kukhala m'nyumba ndi mkazi wolongolola.

Miyambi 27:15,16 Kudonthadontha tsiku lamvula, Ndi mkazi wolongolola ali amodzimodzi. 16 Wofuna kumletsayo afuna kuletsa mphepo; Dzanja lace lamanja lingogwira mafuta.

Miyambi 31:10-31 Mkazi wangwiro ndani angampeze? Pakuti mtengo wace uposa ngale. 11 Mtima wa mwamuna wace umkhulupirira, Sadzasowa phindu. 12 Mkaziyo amcitira zabwino, si zoipa, Masiku onse a moyo wace. 13 Afuna ubweya ndi thonje, Nacita mofunitsa ndi manja ace. 14 Akunga zombo za malonda; Nakatenga zakudya zace kutari. 15 Aukanso kusanace, Napatsa banja lace zakudya, nagawira adzakazi ace nchito. 16 Asinkhasinkha za munda, naugula; Naoka mipesa ndi zipatso za manja ace. 17 Amanga m'cuuno mwace ndi mphamvu, Nalimbitsa mikono yace, 18 Azindikira kuti malonda ace ampindulira; Nyali yace sizima usiku. 19 Agwira njinga ya thonje ndi dzanja lace, Nafumbata mtengo wace. 20 Aolowera cikhato cace osauka; Natambasulira aumphawi manja ace. 21 Saopera banja lace cipale cofewa; Pakuti banja lace lonse libvala mlangali. 22 Adzipangira zimbwi zamaangamaanga; Nabvala bafuta ndi guta woti biriwiri. 23 Mwamuna wace adziwika kubwalo, Pokhala pakati pa akuru a dziko. 24 Asoka maraya abafuta, nawagulitsa; Napereka mipango kwa wogulitsa malonda. 25 Abvala mphamvu ndi ulemu; Nangoseka nthawi ya m'tsogolo. 26 Atsegula pakamwa pace ndi nzeru, Ndipo cilangizo ca cifundo ciri pa lilime lace. 27 Ayang'anira mayendedwe a banja lace, Sadya zakudya za ulesi. 28 Anace adzanyamuka, nadzamucha wodala; Mwamuna wace namtama, nati, 29 Ana akazi ambiri anacita mwangwi, Koma iwe uposa onsewo. 30 Kukongola kungonyenga, maonekedwe okoma ndi cabe; Koma mkazi woopa Yehova adzatamandidwa. 31 Mumpatse zipatso za manja ace; Ndi nchito zace zimtame kubwalo.